

## **KENYATAAN AKHBAR**

### **URBAN X-JAMM@PJ**

Program Kejohanan Urban X-Jamm@PJ adalah salah satu kejohanan melibatkan pertandingan aktiviti sukan lasak yang sebelum ini dikenali sebagai pertandingan sukan Xtreme. Aktiviti sukan lasak merupakan antara salah satu aktiviti kecergasan remaja yang semakin diminati oleh pelbagai peringkat usia dan bangsa. Malah aktiviti kecergasan sukan lasak juga amat popular di serantau dunia.

Oleh yang demikian bagi menarik lebih ramai remaja menyertai aktiviti yang dianjurkan, satu usaha penjenamaan semula telah dilakukan oleh pihak penganjur bagi menonjolkan jenama yang lebih terkini yang boleh merangsang remaja untuk turut serta. Di samping itu juga jenama baru kejohanan juga turut bertujuan mempromosikan Bandaraya Petaling Jaya sebagai peneraju sukan-sukan lasak di antara PBT-PBT di Selangor.

Justeru itu, Bahagian Pembangunan Komuniti, Sosial dan Belia, Majlis Bandaraya Petaling Jaya telah menjenamakan semula kejohanan ini sebagai URBAN X-JAMM@PJ.

Antara objektif penganjuran program ini adalah untuk menggalakkan penyertaan semua pihak terutama golongan remaja moden dalam mengaplikasikan aktiviti kecergasan lasak yang mencabar kemampuan diri para peserta. Di samping itu, program yang seumpama ini dilihat dapat mewujudkan minat para remaja terhadap aktiviti sukan lasak yang semakin popular di kalangan pencinta aktiviti kecergasan seluruh dunia.

Program ini juga merupakan salah satu daya usaha melahirkan remaja yang berdaya saing, berani, berkebolehan bersaing dengan remaja dunia dan dapat mengharumkan nama Malaysia pada negara luar. Ia juga mampu mewujudkan semangat juang yang tinggi di kalangan remaja tempatan, mewujudkan remaja yang cergas dan sihat sebagai bakal pemimpin masa hadapan.

Program Kejohanan Urban X-Jamm@PJ ini menawarkan hadiah berupa wang tunai bagi setiap kategori yang dipertandingkan untuk acara aktiviti lasak (Inline Skate, BMX Park & Skate Board). Di samping itu, para pemenang bagi setiap acara akan membawa pulang piala pertandingan, hadiah iringan tajaan beserta sijil penyertaan. Hadiah pertandingan untuk acara sampingan pula berupa hamper dan sijil penyertaan.

Kejohanan Urban X-Jamm@PJ ini akan berlangsung selama tiga hari dan akan mempertandingkan acara-acara seperti pertandingan wall climbing, pertandingan

kecergasan remaja, Futsal remaja wanita, Street Soccer remaja lelaki, 3 on 3 bola jaring, Inline skate, BMX park dan skate board.

Selain dari itu, lain-lain acara sampingan yang turut dipertandingkan sepanjang Kejohanan selama 3 hari ini ialah Demonstrasi Parkour, Yoyo dan BMX Fixie.

Di keluarkan oleh:

**Sekretariat Media  
Majlis Bandaraya Petaling Jaya**

Laman web: [www.mbpj.gov.my](http://www.mbpj.gov.my), facebook: Petaling Jaya City Council, twitter: [pjcitycouncil](https://twitter.com/pjcitycouncil),  
emel: [media@mbpj.gov.my](mailto:media@mbpj.gov.my) Tel : 03-79563544 sambungan 203/204, Faks : 03-79582695

**Sebarang pertanyaan atau maklumat lanjut, sila hubungi: Pegawai Perhubungan Awam MBPJ, Puan Zainun bt Zakaria, 019-2239604, [zainun@mbpj.gov.my](mailto:zainun@mbpj.gov.my) atau Penolong Pegawai Perhubungan Awam MBPJ, Ahmad Iskandar b. Mohamad Mukhtar, 017-6946884, [ahmadiskandar@mbpj.gov.my](mailto:ahmadiskandar@mbpj.gov.my)**